

BOSNA I HERCEGOVINA
FEDERACIJA BOSNE I HERCEGOVINE
ZENIČKO DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO DOBOJSKOG KANTONA
Z E N I C A

Broj: T04 0 KT 0058555 24
Zenica, 15.07.2025. godine

OPĆINSKOM SUDU U ZENICI
-Sudiji za prethodno saslušanje-
ZENICA

Na osnovu člana 45. stav 2. tačka i) u vezi sa članom 241. Zakona o krivičnom postupku FBiH, p o d i ž e m

O P T U Ž N I C U

Protiv:

B. A., osuđivan,

što je, u neuračunljivom stanju,

Dana 06.05.2024. godine u Zenici, ugrozio sigurnost više osoba ozbiljnim prijetnjama da će napasti na život tih osoba, na način da je putem svog email-a, adrese ...@gmail.com na email adresu JZU ..., poslao poruku sadržaja: „poštovani doktore krađu oni godinama i godinama još dok je i J. otišao a ja kada sam bio ono bolestan kada je moja mati došla meni su n*** stavili i to mi je urgentno rečeno zato nisu htjeli uvoditi u protokol ništa, rekli su mi idi traži dole pravdu, znamo šta vam daje. Koja to sestra medicinska u bolnici vozi Golf VII, vozni park imaju a u bolnici sestre idu autobusom. Nisam ja glup kao ni moj otac, pazite doktore Allahom Uzvišenim se kunem umrijeti sam mogao, dignut ću ... i njih u zrak sa tri bombe ili ću dočekati glavnog i ubiti ga, nije prijetnja već obećanje, znate da hoću ali ne pred ... da može policija doći za dvije minute već gdje ja hoću, znam gdje svi žive. Sellam“, misleći na direktora navedene javne zdravstvene ustanove Č. A., a koje prijetnje su kod istog, izazvale strah i uznemirenost, potom istog dana je poslao drugu poruku sa istog email-a u naslovu: „Za doktora H. A. poštovanog od A.“, sadržaja: “doktore selam za vas, vi znate da se sa mnom desilo od vaših tehničara i sestri prije mjesec dana. Jutros evo šesti maj, ja sam vas poselamio, bio sam na redu kad sam ušao S. je sakrio pola boce je bilo dokle kod noge, bocu meni nasuo iz čaše i onda ustao i sjela je ona budala što radi i sljedeći momak je ušao i pitao sam ga je li bilo pola boce ... na stolu, kaže mi A. bula punu bocu stavila, znači S. je sakrio kod noge gdje sjedi noga njegova do zida sakrio je drugu bocu u kojoj je bilo pola .., uhvatio sam očima to inače sam brz u pogledu i jako dobro vidim. Ja sam vam rekao samo vas gledam, imate kamere provjerite kada ja ulazim kako S. sakriva bocu ispod noge. Meni je moje nasuo i sada evo ne znam ni djeluje li. Vi znate da sam bombu već jednu bacio, aktivirao kada sam bio sa policijom, znam i za spisak. Nemojte me tjerati na ono što ne bi želio, ja sam od vas, ne vas, već od ovih kriminalaca tehničara i sestri mogao umrijeti, a obdukcija bi sigurno bila u drugoj državi. E bude li mi dobro vjerujte gorijet će Imate kamere vi ste šef provjerite opet će moja mati

doći.“, misleći na S. E., te je na ovaj način izazvao osjećaj straha i uznemirenosti kod doktora H. A. i S. E.,

Dakle, ugrozio sigurnost više osoba ozbiljnom prijetnjom na život,

Čime je počinio produženo protupravno djelo Ugrožavanje sigurnosti iz člana 183. stav 2. u vezi sa članom 55. KZ F BiH